

2° PREMIO LETTERARIO IN ONORE DI "MONTANARU"

UNU SORRISU

7/9/1993

Unu sorrisu a mamma tua bella,
chi t'hat dadu su latte de su sinu,
chi t'hat ninnadu e miradu continu,
e di e notte t'hat fattu sentinella.

Onzi momentu that in coro e mente,
prega chi siat bonu su destinu,
ti diat cherrer sempere a vicinu,
dandedi tottu, e pro nd'haer niente !

Unu sorrisu a sa fidele isposa,
chi sinceru t'hat dadu tantu amore,
est suffrinde pro tè onzi dolore,
e nd'hest de su suffrire orgogliosa.

Unu sorrisu a una creatura,
chi est de cuss'amore procreada,
cun s'unione ostra est generada,
e bos dad a su coro onzi durcura.

E cand'unu ti narat adiosu,
ca de torrare nd'est pagu seguru,
a su sorrisu tou affettuosu,
ti currispundet e sorride puru.

Cun s'isperanza de torrare ancora,
e incontrare bonu su camminu,
de l'esseret in favore su destinu,
sena difficurtade manc'un'ora.

Unu sorrisu a unu viandante,
chi mancari hat s'istogomo digiunu,
non lu calculat essere per'unu,
disprezzadu pro esser mendicante.

Unu sorrisu si est de colore,
chi sa sorte non l'hat accompanzadu,
est girende su mundu isconsoladu,
vivende sena pane e sen'amore.

Unu sorrisu a unu handicapadu,
chi hat su coro tropu addoloriu,
malaighende finzas ca est biu,
pro ca est in su mundu isfortunadu.

Rinnegande sa vida fin a morte,
ca no l'hest in favore su destinu,
ma issu no hat neghe poverinu !
sa curpa est tottu de sa mala sorte.

s i n i e l e

ANTONIO ARRU

AUSTIS